

Resolución reitoral pola que se declara pechada a convocatoria dunha bolsa a estudantes para o desenvolvemento do Regulamento de atención ao estudiantado con necesidades específicas de apoio educativo durante o curso académico 2023/2024

O Regulamento de atención ao estudiantado con necesidades específicas de apoio educativo da Universidade de Vigo aprobado no Consello de Goberno do 24 de xullo de 2013 e modificado no Consello de Goberno de 13 de novembro de 2018, establece as accións a levar a cabo para fomentar e garantir a permanencia destes estudantes na Universidade de Vigo. Os artigos 12 e 13 regulan o “programa de atención personalizada para cada estudante” que terá como finalidade adecuar o proceso de ensinanza-aprendizaxe en función das súas posibilidades individuais.

A *Comisión Técnica de Atención ao Estudiantado con Necesidades Específicas de Apoio Educativo (COATEN)*, creada a través do artigo 4 do Regulamento, é a responsable de elaborar o programa personalizado en función das necesidades expresadas por cada persoa, e de trasladar os devanditos programas á *UNATEN (Unidade de Atención ao Estudiantado con Necesidades Específicas de Apoio Educativo)* para que artelle os mecanismos e recursos necesarios para a súa execución e seguimento. A Universidade de Vigo, a través dos orzamentos anuais contempla o crédito necesario para que as medidas de integración aprobadas sexan atendidas a través de subvencións públicas. En ocasións, o programa de atención inclúe a colaboración dun/unha estudante, para o que se realiza unha convocatoria de bolsas na que se selecciona á persoa que presta a colaboración.

Vista a acta da COATEN de 21 de decembro de 2023 onde se acorda convocar a través dun procedemento de concorrência competitiva unha bolsa de colaboración para a realización do TFG no curso 2023-2024 dunha estudante con necesidades educativas especiais.

Recibido no Servizo de Extensión Universitaria con data do 20 de febreiro de 2024 instancia da persoa con necesidades específicas de apoio educativo na que informa que por motivos laborais non está actualmente realizando o traballo de fin de grao e, polo tanto, desiste da colaboración.

Tendo en conta que o obxecto da bolsa é “o apoio ao *Programa de atención personalizada* de estudantes con necesidades educativas especiais, de acordo co establecido nos programas de atención personalizada e co contido específico que figura nas bases da convocatoria. As persoas beneficiarias deberán colaborar coa estudante con necesidades educativas especiais ao longo de todo o curso académico 2023/2024.”

Vista a acta da comisión de valoración de data de 20 de marzo de 2024 na que se explicita que non existe o obxecto que motivou a citada convocatoria, e polo tanto non é posible realizar a selección, esta Reitoría RESOLVE:

dar por finalizado o procedemento e declarar pechada a convocatoria de bolsa para o desenvolvemento do Regulamento de atención ao estudiantado con necesidades específicas de apoio educativo durante o curso académico 2023/2024.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados a partir do día seguinte da súa publicación, de conformidade co disposto na *Lei 29/1998 do 13 de xullo, reguladora da Xurisdición Contencioso-administrativa*.



Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte de se publicar a presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia unha resolución expresa ou presunta do recurso de reposición, de acordo co disposto na *Lei 39/2015, de 1 de outubro, do Procedemento Administrativo Común das Administracións Públicas*.

Vigo, na data da sinatura electrónica

O reitor

Por delegación RR 31/10/2023 (DOG 10/11/2023)
A vicerreitora de Benestar, Equidade e Diversidade
María Isabel Doval Ruiz

